



CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n · CP 15320 · Telf. 981453116 · Fax 981453185 · REL. 01150709 · CIF P1507100D

Ref.: MTF

Expediente nº 2018/E001/000010

DECRETO DO CONCELLEIRO-DELEGADO DA ÁREA DE RÉXIME INTERNO E RECURSOS HUMANOS

ANTECEDENTES DE FEITO

No Boletín Oficial da Provincia da Coruña (BOP) nº 136, do 18/07/2018, publicáronse as bases e efectuouse a convocatoria para a selección, como persoal funcionario interino, de dúas persoas aspirantes, para ocupar senllas prazas de administrativo de administración xeral, vacantes no cadro de persoal funcionario.

Así mesmo, a convocatoria tiña por obxecto establecer unha lista de espera, de persoal administrativo, tanto de persoal funcionario interino como laboral.

Na acta da sesión de data 03/09/2018, o órgano de selección declarou aprobados e propuxo o nomeamento de funcionarios interinos por vacante ás persoas aspirantes Víctor Jesús Zorrilla Platas e Pilar Bermúdez González, e estableceu unha lista de espera formada por Sandra López Rodríguez e Zita López Teijeiro, a teor das puntuacións obtidas.

Posteriormente, o aspirante Víctor Jesús Zorrilla Platas presentou a súa renuncia ao nomeamento.

En data 07/09/2018 foi ditado o Decreto 1236/2018, no que se resolveu:

1º) Nomear a Pilar Bermúdez e Sandra López Rodríguez, para as prazas vacantes (funcionarios interinos por vacante).

2º) Contratar, en réxime laboral, a Zita López Teijeiro, para cubrir por incapacidade temporal (IT) e subseguinte maternidade, días de lactancia e vacacións, a baixa de Margarita Rivera Piñeiro.

Logo de rematado o contrato, a Sra. López Teijeiro pasaría a integrar a lista de espera, que formaba polo de agora o Sr. Zorrilla Platas.

En data 20/09/2018 a aspirante Sra. Bermúdez González anunciou por correo electrónico a súa decisión de renunciar por problemas familiares graves. Esta renuncia foi formalizada a través de escrito rexistrado de entrada no Concello na mesma data.

A nova renuncia obrigou a priorizar os nomeamentos de persoal funcionario interino, deixando sen efectos a contratación laboral.

Por esa razón, foi ditado o Decreto 1297/2018, do 24 de setembro (corrixido polo Decreto 1301/2018, do 24 de setembro), no que se acordou o seguinte:

“1. Aceptar a renuncia ao nomeamento efectuada pola aspirante Pilar Bermúdez González, con DNI 76410554-T.

2. Nomear persoal funcionario interino por vacante, nas prazas de persoal administrativo de administración xeral (subgrupo C1) vacantes no cadro de persoal do Concello, as seguintes persoas:



CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n · CP 15320 · Telf. 981453116 · Fax 981453185 · REL 01150709 · CIF P1507100D

Ref.: MTF

- Sandra López Rodríguez, con DNI 33551311S, para o posto da Área de Secretaría.
- Zita López Teijeiro, con DNI 34882001V, para o posto da Área de Intervención.

3. A lista de espera queda formada do seguinte xeito:

- 1º) Víctor Jesús Zorrilla Platas
- 2º) Pilar Bermúdez González

4. Proceder a dar de alta na Seguridade Social e na nómina ás funcionarias interinas nomeadas, que tomarán posesión no prazo legalmente establecido.

5. Queda derogado o Decreto 1236/2015, do 7 de setembro.”

As aspirantes nomeadas interinas tomaron posesión o 25/09/2018 e veñen prestando servizos desde aquela data, sen solución de continuidade.

Segundo as dilixencias que obran no procedemento, logo de seguir os trámites que esixe a base 10 das que reñen a convocatoria, **nin Víctor Jesús Zorrilla Platas nin Pilar Bermúdez González atenderon o chamamento -renunciaron expresamente- para desempeñar un posto de traballo de administrativo (persoal laboral temporal), mentres dure a ausencia por maternidade e subseguintes días de lactancia e vacacións de Margarita Rivera Piñeiro**, polo que **procede excluilo** (“expulsalos”, en expresión literal da base) definitivamente da lista de espera, xa que tampouco acreditan atoparse en ningún dos supostos que se erixen en causa xustificada para manterse na lista, a teor das meritadas bases.

Pola contra, corresponde establecer a lista de espera integrada coas funcionarias interinas por vacante que, ao ter esa condición, non perden o dereito a integrar a lista.

FUNDAMENTOS LEGAIS

Segundo o disposto no artigo 21.1.h) da Lei 7/1985, do 2 de abril, reguladora das bases de réxime local (LRBRL) a atribución para ditar a presente resolución está residenciada na Alcaldía. Porén, tal competencia foi delegada no concelleiro-delegado da Área de Réxime Interno e Recursos Humanos a través do Decreto da Alcaldía nº 1251/2015, do 03 de xullo (BOP do 13/07/2015), modificado polo Decreto 2438/2015, do 23 decembro (BOP do 19/01/2016).

Por todo iso, a través do presente decreto, RESOLVO:

1º) Excluir definitivamente (“expulsar”) da lista de espera de administrativos establecida no Decreto 1297/2018, do 24 de setembro (corrixido pola Resolución 1301/2018, do 24 de setembro), as seguintes persoas:

- Víctor Jesús Zorrilla Platas, con DNI 20264735-X
- Pilar Bermúdez González, con DNI 76410554-T

2º) Establecer unha nova lista de espera, coa seguinte orde de prelación:



CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n · CP 15320 · Telf. 981453116 · Fax 981453185 · REL 01150709 · CIF P1507100D

Ref.: MTF

1. Sandra López Rodríguez

2. Zita López Teijeiro

Esta lista de espera é prioritaria respecto da que resulte do proceso selectivo convocado polo Decreto 1620/2018, do 2 de novembro (BOP do 9 de novembro), que deu lugar ao procedemento 2018/E001/000013, e que posúe carácter complementario, a teor das bases que a regulan.

3º) Notificar a presente resolución as persoas definitivamente excluídas.

4º) Publicar este decreto na páxina web municipal e mais no taboleiro de anuncios da Casa do Concello.

Contra a presente resolución, que pon fin á vía administrativa, poderán os interesados interpor potestativamente o recurso de reposición ante o mesmo órgano que a ditou no prazo dun mes, contado a partir do día seguinte ao da notificación ou publicación, segundo os casos, e tal e como establecen os artigos 123 e 124 da Lei 39/2015, do 1 de outubro, do procedemento administrativo común das administracións públicas (LPACAP). Se interpoñen o recurso de reposición non poderán interpoñer o recurso contencioso-administrativo até que sexa resolto expresamente ou se produciase a desestimación presunta do recurso de reposición interposto.

Transcorrido un mes desde a interposición do recurso potestativo de reposición se que llos teña notificada a resolución expresa, entenderase desestimada por silencio administrativo, e quedará expeditada a vía contencioso-administrativa, podendo interpoñer o recurso contencioso-administrativo no prazo de seis meses, a contar desde o día seguinte ao daquel no que se produciase a desestimación presunta. Se o recurso de reposición foi resolto expresamente o prazo para interpoñer o recurso contencioso-administrativo é de dous meses a contar desde o día seguinte ao da notificación do acordo polo que se resolveu expresamente o citado recurso de reposición. Este recurso contencioso-administrativo poderá ser interposto ante o Xulgado correspondente do contencioso-administrativo, efectuando os demandantes a elección que lle permite o artigo 14.1, regra segunda, da Lei 29/1998, do 13 de xullo, reguladora da xurisdición contencioso-administrativa (LRXCA).

Malia o anterior, poderán impugnar directamente este acto administrativo ante a orde xurisdiccional contencioso-administrativa (artigo 123.1 da LPACAP). Para tal efecto poderán interpoñer recurso contencioso-administrativo no prazo de dous meses a contar desde o día seguinte ao da publicación (ou notificación, no caso dos excluídos da lista) da presente resolución, perante o Xulgado do Contencioso-Administrativo que corresponda, a teor da elección permitida ao demandante polo artigo 14.1, regra segunda, da meritada Lei 29/1998, do 13 de xullo.

Así mesmo os interesados poderán interpor calquera outro recurso que estimen procedente ou conveniente.

As Pontes de García Rodríguez